

IMAQARNILIAQ MIA - Meeqqanut, Ilaqutariinnut Atuartitaanermullu Ataatsimiititaq 23-05-2024

Ulloq ataatsimiiffissaq Torsdag 23. maj 2024 kl. 12:30

Ataatsimiiffissaq Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
AKO Miniklubbip nakkutilliiffigineqarnera pillugu ilisimatisissut 2023.....	6
MISI-p 2023-mut ukiumoortumik nalunaarusiaanik ilisimatitsissut.....	8
2024-mi imminut toqunnissamik pinaveersaartitsinermut aningaasanik atuineq.....	11
Najukkami Tapiissuteqartarfik – Lokalpuljen malittarisassatut siunnersuutit.....	14
Tamalaat.....	17
Imaqarniliap akuerineqarnera.....	18

IMMIKKOORTOQ .: Saqqaa

Beslutning

Ilaasortat

Poul Petersen (D)
Naya Sophia Pedersen Lyberth (IA)
Charlotte Ludvigsen (IA)
Laura Taunâjik Uistatikitseq (S)
Dines Mikaelen (S)

Ataatsimeeqataasut:

Poul Petersen (D)
Naya Sophia Pedersen Lyberth (IA)
Charlotte Ludvigsen (IA)

Attaveqaatitigut peqataavoq:

Laura Taunâjik Uistatikitseq (S)
Dines Mikaelen (S)

IMMIKKOORTOQ .: Oqaluuserisassat akuerineqarneri

Beslutning

Oqaluuserisassat akuersissutigineqarput.

IMMIKKOORTOQ .: Nalunaarutit

Beslutning

Meeqqanut Atuarfeqarnermullu Ingerlatsivimmit nalunaarutit:

- Atuarfik Inussuup qaliata aputeqartarnera pillugu Istak nalunaaruteqarpoq, illutai tamaasa aputip nakkaasinnaaneranut illersuutitalersorlugit suliarineqartut.

IMMIKKOORTOQ 1: AKO Miniklubbip nakkutilliiffigineqarnera pillugu ilisimatisissut 2023

Beslutning

Ilisimatitsissut tusaatissatut tiguneqarpoq.

Ilanngussat

AKO Miniklubbimi nakkutilliinermi nalunaarusiaq



AKO Miniklubbip nakkutilliiffigineqarnera pillugu ilisimatisissut 2023

Ilisimatitsissut

SagsiD.: EMN-2023-03331

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ingerlatsivimmi Atuarfeqarnermut immikkoortortaq Kommuneqarfik Sermersuumi atuareernerup kingorna neqeroorutinut ataavartumik nakkutilliinermik ingerlatsisarpaq. Atuarfeqarnermut immikkoortortaq ulloq 20 decembari 2023-mi Nuummi Atuareernerup kingorna ornittakkami (AKO) Miniklubbimi nakkutilliivoq. Miniklubbi meeqqanut 1. - 3. klassini atuartunut naatsorsuussaavoq, meeqqanullu 180-inut inissaqarpoq.

Nakkutilliineq tunngavigalugu takuneqarsinnaavoq, Miniklubbimi pingaarnertut, perorsaanermi najoqqutanik tunngavillit anguniakkat qulequtaralugit, taakkununga perorsaataasumik timersorneq, Kammagiitta, Tatitussuseq aamma Inuuneritta ilanngullugit, suliarineqartut. Sammineqartartut ukiumut pilersaarummi skemalersugaapput.

Sulisut pikkorissartinneqartarsimapput assut nuannaralugulu sulinerminnut iluaqutigisaminnik. Sammisassanik suliaqartoqartarpoq meeqqerivimmiit AKO-mut tassanngaaniillu atuarfimmuut ikaarsaarnerup pitsaasuunissaa siunertaralugu.

Sulisut angajoqqaanik atuarfimmillu suleqateqarluarnertik misigisimavaat. Meeqqerivinnik pitsaanerusumik suleqateqarnissaq sulissutigivaat.

Nakkutilliinerup kingornatigut innersuussutit arlallit malitseqartinneqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmuut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juuni 2016-imeersoq

Ilanngussaq

1. AKO Miniklubbimi nakkutilliinermi nalunaarussiaq

IMMIKKOORTOQ 2: MISI-p 2023-mut ukiumoortumik nalunaarusiaanik ilisimatitsissut

Beslutning

Dines Mikaelen (S) ataatsimiinnermut peqaavoq takkulluni nal. 12:49.

Ilisimatitsissut tusaatissatut tiguneqarpoq.

Ilanngussat

Ukiumoortumik nalunaarusiaq MISI 2012



MISI-p 2023-mut ukiumoortumik nalunaarusiaanik ilisimatitsissut

Ilisimatitsissut

Suliap ilisarnaataa: EMN-2020-01461

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutaariinnut Atuarfeqarnermullu Ataatsimiititamut inassuteqaatigineqarpoq:

- MISI-p 2023-mut ukiumoortumik nalunaarusiaa tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Suleriutsinik, atuarfinnik, meeqquerivinnik angajoqqaanillu suleqateqarnermi allarpassuarnullu tunngasunik allannguinerit pitsanngorsaanerillu killiffii kiisalu suliak kisitsisinngorlugit killiffissiornerat MISI-mit ukiumoortumik nalunaarusiami allaaserineqarput.

MISI 2023-p ingerlanerani ataasiarluni Ittoqqortoormiit aamma Paamiut tikippai marloriarlunilu Tasiilamiilluni.

Ukioq 2023 aammaarluni suliassarpassuarnik pissanganartunik imaqarsimavoq.

Suleriutsit nutaat 2022-mi ineriartortinneqarsimasut sularineqarneri atuutilersinneqarnerilu 2023-mi ulluinnarni suleriutsinut ilaaginnalersimapput. Tamatuma kingunerisaanik, meeqqamut ulluinnarni iluaqutigisinnaasaanik perorsaanikkut aamma ilikkagaqarnissamut suliniutit pillugit siunnersorneqarnissamik saaffiginnissutit annerusumik aallunneqalerput. Taamaallunilu siusissukkut pitsaaliuinermilu suliniutit aallunneqalerlutik.

Siusissukkut aamma pitsaaliuineri suliniutit 2024-mi annerusumik aallutiinneqassapput taakkulu saniatigut angajoqqaat, meeqqueriviit atuarfiillu siunnersorneqarnissamik siunnersiunissamullu saaffiginninnissaannut piareersimasoqarluni. Taamatuttaaq illoqarfiit inoqarfiillu minnerit tamaasa 2024-mi orninneqarnissaat pilersaarusiorneqarpoq.

Aammattaaq 2024-mi MISI-mut periusissaq sularineqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat tapersorneqarnissaannut Inatsisartut inatsisaat nr. 20, 26. juuni 2017-imeersoq



Ilanngussaq

1. Ukiumoortumik nalunaarusiaq MISI 2023

IMMIKKOORTOQ 3: 2024-mi imminut toqunnissamik pinaveersaartitsinermut aningaasanik atuineq

Beslutning

Ilisimatitsissut tusaatissatut tiguneqarpoq.

Ilanngussat

2024-mi imminut toqunnissamik pinaveersaartitsinermut aningaasanik atuineq



2024-mi imminut toqunnissamik pinaveersaartitsinermit aningaasanik atuineq

Ilisimatitsissut

SagsID.: EMN-2024-01606

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

2024-mi missingersuutitut isumaqatigiissutitut atatillugu Kommunalbestyrelse siunertamut imminut toqunnissamik pinaveersaartitsinermit 3,5 mio. koruuninik immikkoortitsivoq. Aningaasat Meeqqanut Atuarfeqarnermullu Ingerlatsivimmi Ineriartortitsinermit, Peqqinnermik Siuarsaaneq Pitsaaliuinerimullu Immikkoortortami inissisimapput. Missingersuutitut isumaqatigiissummi takuneqarsinnaavoq, aningaasat pingaarnertut imminut toqunnissamik pinaveersaartitsinermit sulisunik ilinniartitsinermit atorineqassasut. Meeqqanut Atuarfeqarnermullu Ingerlatsivimmit aningaasat qanoq atorineqassamaarnersut matumani ilisimatitsissutigineqarpoq.

Ineriartortitsinermit, Peqqinnermik Siuarsaaneq Pitsaaliuinerimullu Immikkoortortamit Paarisa aamma Innuttaasut Peqqissusiannik Ilisimatusarfik imminut toqunnissamik pinaveersaartitsinermit atatillugu suleqatigineqarput. Taassuma saniatigut nuna tamakkerlugu imminut toqunnissamik pinaveersaartitsinermit periusissiaq *Qamani* tunngavigineqassaaq. Qamanimi innersuussutigineqarpoq, imminut toqunnissamik pinaveersaartitsinermit pissutsit illersuutaasut ukkatarineqassasut.

- Ilaqutariinni attaveqatigiinnernik inooriaatsimillu patajaallisaaneq
- Najukkami inuiaqatigiinni utoqqarnut piorsarsimassutsikkut atasuteqarneq pitsaasumillu attaveqarneq
- Siunertaqarluartunik peqataatitsisunik sammisaqarneq ataatsimoorfeqarnerlu, piorsarsimassutsimik naleqartitanillu tunngavilinnik
- Pinngortitami sammisaqarneq

Toqqaannartumik aamma toqqaannangitsumik imminut toqunnissamik pinaveersaartitsinermit suliaqartoqarsinnaavoq.

Toqqaannangitsumik imminut toqunnissamik pinaveersaartitsineq assersuutigalugu tassaasinnaapput ataatsimoorfinnut peqqinnartunut aamma peqataatitsisunut sinaakkutit pitsaasut, isumakkut peqqissuuneq kiisalu aanngajaarniutinik atuilemmissamik pitsaaliuineq.

Toqqaannartumik imminut toqunnissamik pinaveersaartitsineq tassaasinnaavoq sulisunik innuttaasunik qanimut sullissisunik piginnaasanik ineriartortitsineq, taamaalilluni innuttaasunut imminnut toqunnissaminnut ulorianartorsiortunut ilaqaataasunullu ikiuisinnaalissammata.

2024-mi aningaasat kommunimi ingerlatsiviit akimorlugit sulisut qanimut innuttaasunik sullissisut piginnaasaannik ineriartortitsinermit pingaarnertut atorineqarnissaat naatsorsuutigineqarpoq.

Pikkorissarnerit Tasiilami, Nuummi, Ittoqqortoormiini aamma Paamiuni ingerlanneqarnissaat ukkatarineqarpoq. Taassuma saniatigut aningaasat ilaatigut imminut toqunnissamik pinaveersaartitsilluni sammisaqarnermut aamma meeqqat inuusuttullu toqqaannartumik siunertaralugit suliniutinut atorineqassapput, tassunga ilanngullugu Tasiilami inuusuttunut Mountain Leaderimik ingerlatsinermit. Suliniutit, ingerlatsinerit sammisallu pillugit itisilernerit ilanngussaq 1-mi nassaassaapput.



Ingerlatsivimmit aningaasatigut sulisoqarnikkullu naliliinerit

Meeqqanut Atuarfeqarnermullu Ingerlatsivimmit 2024-mi siunertamut aningaasat immikkoortinneqartut atorneqarnissaat siunnerfilimmik sulissutigineqarpoq, kisianni 2024 naatinngu piginnaanernik ineriartortitsinissamut aningaasat tamaasa atornissaannut atatillugu piffissatigut unammilligassaqarput. Taakku 3,5 mio. koruunit akissarsianut matussusiisussaangimmata, sammisassat sulisooreersunit avataaneersunilluunniit ingerlanneqassapput.

Suliffeqarfimmut Kiffartuussivimmit aningaasatigut naliliineq

Attuumassuteqanngilaq.

Inatsisitigut tunngavissaq allakkallu tunngaviumik uppersaartilitt

- 2024-mut missingersuutit pillugit isumaqatigiissut
- Inuit Ataqatigiit Demokratillu akornanni suleqatigiinnissamut isumaqatigiissutaat 2023 - 2025
- Qamani – Imminut toqunnissamik pinaveersaartitsineq pillugu periusissiaq 2023-2028

Ilanngussat

1. 2024-mi imminut toqunnissamik pinaveersaartitsinermut aningaasanik atuineq

IMMIKKOORTOQ 4: Najukkami Tapiissuteqartarfik – Lokalpuljen malittarisassatut siunnersuutit

Beslutning

Inassuteqaat akuersissutigineqarpoq.

Ilanngussat

Atissaatut siunnersuut Najukkami Tapiissuteqartarfik - Lokalpuljen.docx



Najukkami Tapiissuteqartarfik – Lokalpuljen malittarisassatut siunnersuutit

Aalajangiiffigisassaq

SagsID.: EMN-2024-01829

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- malittarisassatut siunnersuutit, ilanngussaq 1-imi allaaserineqarnerattuut akuersissutigineqassasut
- suliaq Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasooq

Suliassamik saqqummiussineq

2024-mut missingersuutit pillugit isumaqatigiisummi "Najukkami aqqissuussanut sammisassaqtitsinernullu" 2,5 mio. kr.-nik immikkoortitsisoqarpoq Kommuneqarfik Sermersuumi najukkami pitsaaliuinermi suliniutinik sunngiffimmi sammisassanik siuarsaanissaq siunertaralugu. Najukkami Tapiissuteqartarfik – Lokalpuljen najukkami suliniutinut, nutaaliortitsinermut, piujuartitsinermut, aammalu kommunimi ataatsimoornermut nukittorsaataasunut tapersersuutissatut siunertanut aningaasatigut tapertaasussatut ilusilersugaavoq.

Tapiissutissat atorlugit nutaaliornermut tunngasunik, piujuartitsinermik siuarsaataasunik, ataatsimoornermik nukittorsaataasumik, nammineq kajumissutsimik suleqataanermik tunngavilinnik, aammalu sunngiffimmi periarfissanik ikorfartuinissamut siunertaavoq. Pingaaruteqarpoq erseqqissassallugu, kommunip nammineq suliffeqarfiutai aamma avataani ikiortigisartagai tapiissuteqartarfimmut qinnuteqarsinnaammata, taamaanneratalu Najukkami tapiissuteqartarfiup ammasuunera pissarsiariuminarneralu erseqqissarneqarpoq.

Siunnersuummi aamma qinnuteqarnerup ajornanngitsuunissaa sapinngisamillu pissarsiariuminartuunissaa pingaarutilittut erseqqissaatigineqarpoq, najukkami suliniutit pigiliussat siuarsarneqarnissaannik kommunip kissaateqarneranut naapertuuttoq. Tassunga ilaatinneqarput qinnuteqaateqarnermi nalunaaruteqartarnermilu erseqqissunik malittarisassaqaarnissaq, aammalu qinnuteqaatinik sukkasuumik naapertuilluartumillu suliarinnittarnissaq.

2025 aallartinnerani politikernut ilisimatitsissummik suliamik saqqummiussisoqarumaarpoq, tassanilu 2024-mi suliniutit suut tapiissuteqarfigneqarsimanersut allaaserineqassallutik.

Ingerlatsivimmit aningaasatigut sulisoqarnikkullu naliliinerit

Tapiissuteqartarfik pilersinneqarmat 2024-mut missingersuutit pillugit isumaqatigiisummi 2,5 mio. kr.-it immikkoortinneqareerput. Taakku iluani tapiissuteqartarfimmut aningaasaliissutinit 10%-it allaffissornermut atorneqassapput.

Suliffeqarfimmut Kiffartuussivimmit aningaasatigut sulisoqarnikkullu naliliinerit

Suliffeqarfimmut Kiffartuussivik allanik oqaaseqaatissaqaanngilaq, taamaallaat suliniutit tapiissuteqartarfimmit taperneqartut aningaasaliissutit iluaniittut aammalu 10% tikillugit allaffissornermut aningaasaliissutinut ilanngunneqarumaartut.

Inatsisitigut tunngavissaq allakkallu tunngaviusumik uppersaatiillit

- o 2023 - 2025-mut Suleqatigiinnissamik isumaqatigiissut
- o 2024-mut missingersuutinut isumaqatigiissut



- Aningaasarsianit akileraarutit pillugit Inatsisartut inatsisaat nr. 12, 2. november 2006-imeersoq.
- Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. september 2011-meersoq

Ilanngussaq

1. Atissaatut siunnersuut Najukkami Tapiissuteqartarfik - Lokalpuljen

IMMIKKOORTOQ .: Tamalaat

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 13:13